

# (3) VORTI E DERIVADI

**Vorto** povas konsistar ek diversa elementi, quale **BO.FRAT.IN.O**, exemple, en qua on dicernas:

**a radiko: -FRAT.**

La Radiko esas la elemento nereduktebla, esenca, qua indikas la ideo generala quan expresas la vorto, hike: FRAT.

Ol esas verbala o nomala (to es nevariebla). La radiko verbala expresas ideo di ago, stando o relato. La radiko nomala indikas ento, objekto o qualeso e konseque povas genitar nur nomi, to es substantivi od adjektivi.

**b dezinenco (gramatikal finalo): -O.**

La Dezinenci (o flexioni) povas indikar nur la speco gramatikala di vorto, to es la rolo di ta vorto en la frazo. La dezinenci tote ne influas la senco, la ideo quan la radiko expresas. Chanjo di senco povas obtensar nur per afixi o per kompozado.

**c afixi, inter qui prefixo: BO., sufixo: -IN.**

La afixi esas partikuli, elementi tre kurta, quin on uzas por modifikar la koncepto expresata dal radiko. Se li unionesas a la radiko avane, on nomizas li prefixi e, se li unionesas a la radiko dope, on nomizas li sufixi. La afixi nur to, quo li es nature e gramatike: elementi (preske sempre monosilaba), partikuli modifikanta. Konseque, li generale ne darfas uzesar kom radiki.

**Temato** esas l'ensamble: radiko + afixi, hike: BOFRATIN.

**Morfemo** esas to omna quo soldesas a radiko por determinar lu: afixi e dezinenci, hike: BO, IN, O.

Procedi di vortifado:

**1** derivado per dezinenci (substituto di ta ad ica), to esas

## NEMEDIATA DERIVO

**2** derivado per afixi (uzo di prefixo o sufixo), to esas

## MEDIATA DERIVO

**3** kompozado per plura radiki unionita, to esas **KOMPOZADO**

### 1 NEMEDIATA DERIVO (derivado per dezinenci)

En la derivado per dezinenci konsilas departar de la verbo (se lu existas) o de la substantivo por facar l'adjektivo o l'adverbo. ma to ne es absolute necesa, nam on povas departante senselekte de irga ek ta vorti, ritrovar la ceteri.

**Substantivo** nemediate formacita de **verbo** signifika nature la ago o la stando expresata da ta verbo. Ex.: laboro = ago laborar, kanto = ago kantar, espero = ago esperar, emoco = stando, sento emocar.

\*(Inverse) on darfas formacar **verbo** nemediate de **sostantivo**, nur se ta substantivo expresas ago o stando. Ex.: de paco on darfas formacar la verbo pacar = esar en paco, pro ke paco esas stando.

**Adjektivo** nemediate formacita de **sostantivo** signifika: qua es ....

Ex.: responda letro = letro qua es respondo, nobela homo = homo qua es nobelo, parazita bestio = bestio qua es parazito, deserta placo = placo qua es deserto, ora vazo = vazo qua es oro. (same pri omna adjektivo di materio).

\*(Inverse) on darfas e devas **substantivar** **adjektivo** per la nura chanjo di dezinenco. L'adjektivo tale substantivigita nemediate povas signifika nur: to quo es... (irge quon "to" reprezentas ento o kozo). Ex.: malado, belo, blindo = homo malada, bela, blinda, plano = surfaco plana, parazito = parazita bestio o planto.

**Adverbo** nemediate formacita de **adjektivo** signifika: en maniero (tala).

Ex.: bele, bone, rapide = en maniero bela, bona, rapida; noktale = (de l'adjektivo noktala) = en maniero noktala = noktale vestizita = per vesti di nokto.

\*(Inverse), on darfas formacar **adjektivo** direte de **adverbo** se l'adjektivo signifika: qua es talsorta, talmaniera. Ex.: frua = qua eventas frue (frua veko, frua legumo); balda = qua eventas balde (balda respondo); quaza delikto = ago konsiderata quaze delikto.

### IRGA RADIKO POVAS NEMEDIATE GENITAR LA (4) QUAR SPECIE: VERBO, SUBSTANTIVO, ADJEKTIVO, ADVERBO

Exemplo di vorto-familio: parol.ar = parol.o/i (ago o stando parolar) = parol.a (qua esas parolo) = parol.e (per parolo)

**Verbo** precipue darfas derivesar nemediate de **adjektivo** nur se la radiko di ta adjektivo esas verbala. Ex.: sana = persono qua es sano. Sanar = havus nula senco. La stando esar sana o saneso devenas sanesar (esar sana) e sanigar (igar sana).

**Adjektivo** nemediate formacita de **verbo** ne povas havar la senco di participo aktiva o pasiva (altre la sufixi -ANT., -AT. e.c. nule utilesus e ne havus senco)

**Verbo** pro plu forta motivo, ne darfas venar nemediate de **adverbo** primitiva o de partikulo nevariebla, nam evidente la radiko ne esas verbala.

Verbi quale fruar, baldar, perar, transar havus nula senco.

### 2 MEDIATA DERIVO (derivado per afixi) (4)+(5)+(6)+(7).

On devas unesme adjuntar e soldar a la radiko afixo od afixi, ante pozar la dezinenco an la fino dil toto.

### 3 KOMPOZADO (8).

La **parola** può consistere di diversi elementi, come **bo.frat.in.o**, (cognata) per esempio, la quale si divide in:

**a radice: -frat.** (fratello/i, sorella/e)

La radice è l'elemento irriducibile, essenziale, che indica l'idea generale che esprime la parola, qui: *frat*.

È verbale o nominale (cioè invariabile). La radice verbale esprime un'idea di azione, di stato o relazione. La radice nominale indica un ente, oggetto o qualità e conseguentemente può far nascere solo nomi, cioè sostantivi o aggettivi.

**b desinenza** (finale grammaticale): -o. (singolare)

Le desinenze (o flessioni) possono indicare solo la specie grammaticale della parola, cioè il ruolo di questa parola nella frase. Le desinenze non influenzano affatto il senso, l'idea che la radice esprime. Un cambio di senso può essere ottenuto solo per gli affissi o per composizione.

**c affissi**, tra i quali **prefixi: bo.**, (parentela da matrimonio); **suffisso: -in.** (femminile)

Gli affissi sono particelle, elementi molto corti che si usano per modificare il concetto espresso dalla radice. Se loro si uniscono alla radice davanti, si chiamano prefixi e, se si uniscono alla radice dopo, si chiamano suffissi. Gli affissi sono naturalmente e grammaticalmente solo elementi (pressoché sempre monosillabici), particelle che modificano. Di conseguenza, generalmente, non devono essere usati come radici.

**Temà** è l'insieme di: radice + affisso, qui: *bofratin*. **Morfema** è tutto ciò che si unisce alla radice: affissi e desinenze, qui: *bo, in, o*.

Procedimenti di costruzione della parola:

**1** derivazione con desinenze (sostituzione di questa con quella), cioè

## DERIVAZIONE IMMEDIATA

**2** derivazione con affissi (prefixo/affisso), cioè

## DERIVAZIONE INTERMEDIA

**3** composto di diverse radici unite, cioè **COMPOSIZIONE**.

### 1 DERIVAZIONE IMMEDIATA (derivazione per desinenze)

Nella derivazione immediata è consigliabile partire dal verbo (se esiste) o dal sostantivo, per passare all'aggettivo o all'avverbo; ma ciò non è sempre necessario, poiché si può partire indifferentemente da qualsiasi di tali parole per ritrovare tutte le altre.

Un **sostantivo** immediatamente formato da un **verbo** significa l'azione o lo stato espresso da detto verbo. Ex.: lavoro = azione di lavorare, canto = azione di cantare, emozione = stato o sentimento dell'emozionarsi.

\*(Inversamente) si può derivare immediatamente un **verbo** soltanto da un **sostantivo** significante un'azione o uno stato. Ex.: da pace si può formare il verbo pacificare=essere in pace, poiché la pace è uno stato.

L'**aggettivo** immediatamente formato da un **sostantivo** significa che è tale. Ex.: lettera risposta = lettera che è risposta, uomo nobile = uomo che è nobile, bestia parassita = bestia che è parassita, piazza deserta = piazza che è deserto, vaso d'oro = vaso che è oro. (lo stesso per qualsiasi aggettivo di materia).

\*(Inversamente) si può e si deve **sostantivar** un **aggettivo** mediante il semplice cambiamento della finale grammaticale e significherà solo ciò che è....(dove ciò rappresenta un ente o cosa). Ex.: malato = uomo malato, bello = uomo bello, cieco = uomo cieco, piano = superficie piana, parassita = bestia o pianta parassita.

L'**avverbo** immediatamente formato da un **aggettivo** significa: in questo o in quel tal modo, così. Ex.: bellamente, bene, rapidamente = in modo bello, buono, rapido; notturnamente = (dall'aggettivo notturno)=in modo notturno = vestita per la notte = con vesti per la notte.

\*(Inversamente) un **aggettivo** deriva da un **avverbo** solo se significa: che è in questa o in quella maniera. Ex.: tempestivo = che avviene tempestivamente, presto = che avviene presto, quasi delitto = azione considerata quasi un delitto.

### QUALSIASI RADICE PUO' IMMEDIATAMENTE FAR DERIVARE LE (4) QUATTRO SPECIE: VERBO, SOSTANTIVO, AGGETTIVO, AVVERBIO

Esempio di famiglia di parole: parlare = parola/e (azione di parlare) = orale (che è parola) = oralmente (per parola)

Un **verbo** può derivare direttamente da un **aggettivo** soltanto se la radice di questo è verbale. Ex.: sano = persona che è sana. Sanare, (per sé stessi) non avrebbe nessun senso. Lo stato di esser sano o sanità diviene "esser sano" e far sano diviene "sanare".

L'**aggettivo** immediatamente formato da un **verbo** non può avere il senso del participio attivo/passivo (altrimenti i suffissi -ant., -at. sarebbero inutili e non avrebbero senso).

Nessun **verbo** può derivare immediatamente da un **avverbo** o da una particella invariabile, poiché una tale radice non è evidentemente verbale. Verbi come "fruar, baldar, perar, transar", non avrebbero nessun senso.

### 2 DERIVAZIONE INTERMEDIA (per affissi)(4)+(5)+(6)+(7)

Si deve per primo aggiungere e attaccare alla radice un affisso o degli affissi, prima di mettere la desinenza alla fine del tutto.

### 3 COMPOSIZIONE (8).